

Missiliuut: Pingaarnersiuiineq

Inuinnaat aamma suliffeqarfinni assigisaannilu sulisunut pisortatigoortumik digitalimik atsiornertalimmik NemID-issaannik pilersitsisarneq pillugu inatsisip Kalaallit Nunaanni atuutilersinneqarnissaannik peqqussut pillugu pingaarnersiuiineq

Peqqussutissatut siunnersuummut tungavigisat:

Inuinnaat aamma suliffeqarfinni assigisaannilu sulisunut pisortatigoortumik digitalimik atsiornertalimmik NemID-mik pilersitsisarnermut Inatsit nr. 439, 8. maj 2018-imeersoq Folketingimit akuerineqarpoq. 1. Juli Inatsit atuutilerpoq.

Inatsisissatut siunnersuutip tusarniaassutigineqarneranut atatillugu Namminersorlutik Oqartussat kissaatigalugu nalunaarutigivaa inatsit kunngip peqqussutaatigut Kalaallit Nunaanni atuutsinneqalissasoq. Taamaattumik inatsimmi aalajangersarneqarpoq inatsit Kalaallit Nunaanni atuutinngitsoq, taamaattoq kunngip peqqussutaatigut tamakkiisumik ilaannakortumilluunniit Kalaallit Nunaanni atuutsinneqalersinnaasoq allannguuteqartitsinikkut Kalaallit Nunaanni atukkanut naapertuuttunik.

Digitaliseringsstyrelsen aamma Ilinniartitaanermut, Kultureqarnermut Ilageeqarnermullu Naalakkersuisoqarfik suleqatigiillutik kunngip peqqussutissaanut siunnersuusiorsimapput siunertaralugu peqqussutip Inatsisartunut ukiaanerani ataatsimiinnermi saqqummiunneqarnissaa oqaaseqarfigineqarnissaa lu. Siunertaavoq inatsit Kalaallit Nunaanni atuutilissasoq 1. januar 2019.

Nem ID-mik pilersitsinermut Inatsimmut tungavigisat:

NemID-mik inuinnarnut aamma suliffeqarfinni assigisaannilu sulisunut (NemID-mik) digitalimik pisortatigoortumik atsiornernik pilersitsisarneq innuttaasunut amerlanerusunut siaruaassimavoq suliffeqarfinnut, pisortat oqartussaaffeqarfii, piunassutsimik peqatigiiffinnut il.il. CVR-normulinnullu tamanut. NemID-ip aqutsiviginissaa aamma pilersinneqartarnissaa pillugu 2008-mi Nets DanID A/S-imik isumaqatigiissuteqartoqarneraniilli NemID-ip atorneqarnera piffissap ingerlanerani annertunerulersimavoq pingaaruteqarnerulersimallunilu. Pisortat digitalimik kiffartuussiffiini amerlasuuni massakkut piunassarineqartalerpoq innuttaasut, suliffeqarfiit, pisortat oqartussaaffeqarfii, peqatigiiffiit il.il. nammineq piunassutsimik ingerlanneqartut NemID-imik



peqartalissasut atuisalissasullu. Ilaatigut uani pineqarput innuttaasoq suliffeqarfilluunniit Digital Postinik pisortaniit nassiussanik atuarsinnaalissasut aamma innuttaasoq suliffeqarfilluunniit pisortat digitalikkut kiffartuussiffiini atuisassagaangat.

Pisortat ingerlatsinerata digitalimik ingerlanneqarnerulererata aamma tassunga atatillugu NemID-ip pingaaruteqarnerulererata kingunerisaanik NemID-mut tunngatillugu innuttaasut suliffeqarfillu pisussaaffii pisinnaati-taaffilu inatsiseqartitsinikkut erseqqinnerusumik atugassaqartitaalernissaata qulakkeerneqarnissaat pisariaqartinneqarnerulersimavoq. Taamaalilluni pisortat digitalikkut kiffartuussiffii arlalippassuit NemID-mik atuneq pillugu piumasa-qaateqartoqarpoq assersuutigalugu innuttaasut Digital Post-inik pisortanit nassiunneqartunik atuisalerneranni. Taamatuttaaq Folketingip Ombudsmand-iata oqaatigisimavaa NemID-ip ingerlatsivigineqarneranut inatsisitigut tunnga-vissat aamma NemID-mik pilersitsinissamut itigartitsissutit pillugit innuttaasut naammagittaalliuteqarsinnaaqullugit innuttaasut inatsisitigut inissisimanerisa qulakkeerneqarnissaat siunertaralugu erseqqissuusariaqartut.

Siuliani pineqartut tunngavigalugit nalilernerqarpoq maanna piffissanngortoq NemID-ip aqutsigineranut pilersinneqartarneranullu atatillugu pisussaaffiit pisinnaatitaaffiillu inatsisitigut erseqqissumik atugassaqartitaanissaq qulak-keerneqassasoq. Tamatuma susassaqarfimmi tassani inatsisitigut isuman-naatsuunissaq nukittorsassavaa pingaartumillu qulakkiissallugu innuttaasut suliffeqarfillu naammagittaalliornissamut erseqqissumik periarfissaqartitaan-issaat NemID-mik pilersitsivigineqarsinnaassanngikkunik aamma NemID matuneqassappat assigisaannilluunniit pisoqassappat. Taamaattumik inatsimmi siunertarineqarpoq innuttaasut suliffeqarfillu inatsisitigut inissisimanerisa erseqqissunngortinnissaat, matumani ilanngullugit naammagittaalliornissamut periarfissat kiisalu inatsisitigut aalajangersassallugu NemID-mik pilersit-sinissap isumannaatsuunissaa pisortat suliassarigaat pisortallu akisussaaf-figigaa.

Pisortat nutaaliornerannut ministerip suliffeqarfimmik namminersortumik NemID-mik pilersitsisartussamik toqqaanissaanut inatsisitigut tunngavissiiso-qassaaq. Taamaalilluni pisortat nutaaliornerannut ministerip NemID-mik pilersitsisarneq pillugu aqutsinissamik aalajangiisarnissamillu suliassaq suliffeqarfimmut namminersortumut suliassanngortissinnaavaa. NemID-mik pilersitsisarnermik aalajangiisarnissamillu suliaqarsinnaasoq aamma NemID-mik pilersitsinissamut itigartitsisarnissamik ammaaqqittarnissamillu sulia-qartussaq. NemID-mik pilersitsisartussap naalagaaffik sinnerlugu suliassamik isumaginnittussap pisortat nutaaliornerannut ministerimit toqqagaasimanera inatsisikkut erseqqissaatigineqassaaq.

**DIGITALISERINGSSTYRELSEN**

Suliffeqarfiit pineqartut nalunaarsuisarfittut NemID-mik pilersitsisarnissamik aalajangiisarnissamillu suliassamik isumaginnittussat pisortat nutaaliornerrannut ministerimit toqqarneqarsinnaanissaat aalajangersarneqassaaq taamaalilluni pisortat nutaaliornerrannut ministeri sinnerlugu nalunaarsuisarfiit ingerlatsinermut tunngasunik aalajangiisinnaangortillugit.

Innuttaasut, suliffeqarfiit, pisortat oqartussaaffeqarfii, peqatigiiffiit il.il. nammineq piumassutsimik ingerlanneqartut aamma taakkunani sulisut NemID-mik pilersitsisarnissamut malittarisassanik naammassinnittarnissaannut pisortat nutaaliornerrannut ministerip malittarisassanik aalajangersaasinnaasarnissaannut inatsimmik tunngavissamik atuutilersitsisoqassaaq. Tamatuma saniatigut inatsisikkut aalajangersarneqassaaq, innuttaasut suliffeqarfilla, pisortat oqartussaaffeqarfii, peqatigiiffiit il.il. nammineq piumassutsimik ingerlanneqartut assersuutigalugu NemID-mik pilersitsinissamut ammaaqinnissamulluunniit itigartinneqarsimasut imaluunniit NemID-mik mattunneqarsimasut, taamatut aalajangiineq pillugu Digitaliseringsstyrelsimut naammagittaalliuteqarsinnaalissapput.

Aalajangersakkat Nets DanID A/S-imik isumaqatigiissuut naapertorlugu ullumikkumut isumaqatigiissutaareersut aamma Digitaliseringsstyrelsimik januar 2018-imi isumaqatigiissuteqareernikkut 2021-imut sivitsorneqarsimasut ingerlatiinnarneqarnissaat siunertarineqarpoq. NemID-ip aqutsiviginissaa pilersinneqartarnissaalu pillugit isumaqatigiissut ilusilersorneqarsimavoq aalajangersarneqarsimallunilu Digitaliseringsstyrelsimut tulleriinneri malillugit inunnut sulisunullu akuersissutinut (certifikatinut) OCES-certifikat politikimik taaneqartuni. Inatsisissatut siunnersuummi tamatuma allangortinneqarnissaa siunertarineqanngilaq. Taamaalilluni siunertarineqarpoq kommunini nalunaarsuisarfiusuni pilersitsinissamut maannamut periaaseq allangortinneqarnani atuutiinnassasoq siunniunneqarpoq inuinnaat suliffeqarfinnilu sulisut pisortatigoortumik digitalimik atsiornertallit NemID-mik pilersitsivigineqartarnissaat pillugu inatsit pillugu kunngip peqqussutissaatut missiliuutikkut.

Inatsimmi pineqarput NemID-it inuinnaat aqqinik pisortatigoortumik digitalimik atsiornertallit soorluttaaq inuinnaat, aamma innuttaasunik taaneqartut, qarasaasiakkut nittartakkami uani nemid.nu-mi NemID pilersissinnaavaat, aningaaserivimmi nalunaarsuisarfiusumi imaluunniit kommunip innuttaasunut sullissivianut nammineerluni ornigunnikkut. Uani pineqarpoq pisortatigoortumik digitalimik atsiorneq OCES-personcertifikatimik tunngavilik. Innuttaasoq kinaluunniit NemID ataaseq inummut atugassanngortissinnaavaa akeqanngitsumik.



Aammattaaq inatsissatut siunnersuummi pineqarpoq suliffeqarfinni sulisunut, aamma NemID-mi sulisunik taaneqartartut, pisortatigoortumik digitalimik suliffeqarfiit CVR-normullit NemID-mik atsiornertallit, uani ilanngullugu, suliffeqarfiit, pisortat oqartussaaffeqarfii, peqatigiiffiit il.il. nammineq piumassutsimik ingerlanneqartut, suliffeqarfiit inatsisitigut akisussaaffillit sinnerlugit, sulisut pineqartut uppernarsaatissaannik pilersitsisinnaasut. NemID taama ittoq taamaallaat pilersinneqarsinnaavoq qarasaasiakkut nittartakkami medarbejdersignatur.dk-mi. Uani pineqarpoq pisortatigoortumik digitaliumik atsiorneq OCES-sulisunut certifikatimik tunngavilik.

Innuttaasunut OCES-personcertifikatinik aamma sulisunut OCES-medarbejdercertifikat-inik Nets DanID A/S-iminngarnit allanik pilersitsisinnaasunik ullumikkut soqanngilaq. Aamma siunertarineqanngilaq pilersitsisartunik allanik inatsimmi pineqartunik toqqaasarnissaq. Taamaattumik inatsimmi taamallaaq pineqarput inuinnarnut aamma suliffeqarfinni sulisunut kiisalu pineqartunik pilersitsisinnaasutut toqqaareersunut.

Aamma aningaaseriviit netbankimut inuinnarnut NemID-mik pilersitsisarput pisortatigoortumik digitalimik NemID-mut atsiornertalinnut ilaanngitsunut.

Netbankinut NemID-it aningaaserivinnut atuisunut pilersinneqartarput aamma taamaallaat netbankimut atorneqarsinnaasunik. Netbankimut NemID-it pisortatigoortumik digitalimik atsiornernik imaqanngillat taamaattumillu tamanut ammasumik kiffartuussivinnut isissutaasinnaannatik. Netbankimut NemID-it taakkulu pilersinneqarnerat inatsimmi pineqanngillat. Taamaattorli aningaaseriviit nalunaarsuisarfii inatsimmi ilanngunneqarsimassapput, kommunini nalunaarsuisarfiit assigalugit inuinnarnut NemID-mik pisortatigoortumik digitalimik atsiornertalinnik pilersitsinissaq siunertaralugu nalunaarsuisarnis-sani.

Niuernikkut atugassarititaasut tunngavigalugit eID-nik imaluunniit atsiugassatigut aaqqiissutinik allat ineriartortitsisarnissaat pilersitsisarnissaallu inatsimmi mattunneqanngilaq. Aammattaaq inatsisip naalagaaffimmi niuernikkut elektronikkikkut nuutsitsisarnernut atugassanik elektronik atorlugu kinaassusersisarneq tatiginninnikkullu kiffartuussisarneq pillugu eIDAS-imi peqqussut (Europaparlamentip aamma Rådip peqqussutaa (EU) nr. 910/2014, 23. Juli 2014-imeersoq malillugu eID-nik EU-mi nunat allat nalunaarutiginnittarnissaat aamma malittareqqusamik 1999/93/EF) atorunnaarsitsinissap pisortatut oqartussaasut nittartagaannut aamma Danmarkimi imminut kiffartuussinnaanernut atuutilersinnissaat mattunneqanngilaq.

Tulleriinneri malillugit suliffeqarfinnut aamma suliassanut akuersissutit (certifikatit) pillugit anguniakkat (politikkit) naalagaaffiup pigai ineriartortis-simallugillu. Akuersissutit (Certifikatit) taakku allaanerupput NemID-



minngarnit inuinnarnut suliffeqarfinnilu sulisunut pisortatigoortumik digitalinik atsiornertalinngarnit aammalumi inatsimmi ilanngunneqaratik.

Peqqussutissatut siunnersuutip imarisai:

Kalaallit Nunaanni pissutsit atuuttut tunngavigalugit siunnersuummi ataasiakkaanik allannguisoqarpoq aammalu ersarissagaqarluni, inatsimmut Danmarkimut atuuttumut sanilliullugu. Siullermik § 3, imm 2-mi, aalajangersarneqarpoq pisortat ingerlatsineranni suliassat suliarineqartarnerat pillugu Inatsisartut inatsisaat tassaassasoq aalajangiinerni tunngaviusartussaq Kalaallit Nunaanni nalunaarsuisarfinni sulianut aalajangiinernut tunngatillugu. Inatsimmi aalajangersarneqarpoq pisortat ingerlatsineranni suliassat suliarineqartarnerat pillugu Inatsisartut inatsisaat atuuttassasoq nalunaarsuisarfinni sulianut aalajangiinernut tunngatillugu. Taamaaliornikkut qulakkeerneqassaaq nalunaarsuisarfinni sulianut aalajangiinernut tunngatillugu, pisortat ingerlatsineranni suliassat suliarineqartarnerat pillugu Kalaallit Nunaanni Inatsisartut inatsisaata tunngaviusarnissaa.

Aamma ersarissaneqarpoq Digitaliseringsstyrelsen Danmarkimittoq tassaassasoq maalaaruteqartarfik. Tamanna ersarissaaneq pingaartinneqarpoq Danmarkimi Kalaallillu Nunaanni aqutsisoqarfeqarmat Digitaliseringsstyrelsenimik taasanik.